

H4 DÜSSELDORF (D)



Bundesarchiv, Bild 146-1088-044-07
Foto: o. Ang. | 1937/1938 ca.

Ando 1937-dikno bers o düsseldorfi ke raja zórajaha linye uppe le romen taj le szinten, hogy pe tanácsiszkeró „cigányiko” tábori, po Höherwego te kötözinen. Odoj báre csore téglíke kherende kampja lenge te dzsiven, rácsozotne blokenca taj acélozotne vuderenca, aszo oggyárrú pe lende csukinnahi. O tábori jekhe szögesdrótoha sztya ánde kerítíme taj o rabi csak akkor saj muknahi o tábori, te po roboto len lidzsnahi. Ennya dzséne múje ando tábori. Ando 1943-dikno bers odole raben, ako még dzsivnahi, AuschwitzBirkenauvoszte liginye.

1910

1951

1937-43

💡 Dzsannahi odá

... hogy le táboriszkeró parancsnoko pal' odá pindzsarnahi, hogy báre báre ergyavo sztya? Butvar po fogji uszítinlahi pre dzsukle.

... hogy odona roma taj szintí, ako túl dzsivgye taj pále áje Düsseldorfoszte palo háborúvo, ugyanand' odá tábori len thogye?

✎ Tumari búti

Szo szikavel adá döntési – hogy ole túlélőven palo háborúvo pále thogye ando tábori – pal' odá, hogy o gádzse szar acsnahi ko roma taj ko szintí, taj k' odona bútya, aszo adalenca péje?

📷 Palo kípó

Höherwegiko „cigányiko” tábori Düsseldorfoszte. Nyimciko Szintíko taj Romano Dokumentácíjósno taj Kulturálisno Központo, Heidelbergo, Nyimciko.



<https://www.romasintigenocide.eu/romungro/h>